

UGOVOR O JAVNOJ NABAVCI ROBE

Zaključen dana 08.05.2019. godine u Sarajevu između:

KJP „Sarajevo-šume“ d.o.o. Sarajevo, ul. Maršala Tita 7/II (u daljem tekstu: **Ugovorni organ**), koga zastupa Direktor Preduzeća **mr.sci. Nermin Demirović, dipl.ing.šum.**

„Inter-com“ d.o.o. Zenica - Proizvodo, uslužno i trgovačko društvo, ul. Vrandučka 71/b, Zenica, registrovano kod Općinskog suda u Zenici, Aktuelni izvod iz sudskog registra: 043-0-RegZ - 19-000424 od 20.02.2019. godine, identifikacioni broj: 4218087760006; PDV broj: 218087760006 (u daljem tekstu: **Ponuđač**) koga zastupa **Škaljić Safet, direktor.**

(u daljem tekstu : **Ugovorne strane**)

Član 1.

Predmet ovog Ugovora je javna nabavka roba za potrebe Ugovornog organa, i to:

Lot 3. Sadnice smrče (Picea abies)

prema Obrascu za cijenu ponude, koji je dostavljen u ponudi Prodavca, protoklisanoj kod Ugovornog organa pod brojem: 0103-422-6/19 od 15.04.2019.godine, a koji je prilog ovog Ugovora i čini njegov sastavni dio.

Ukupna vrijednost javne nabavke roba iz prethodnog stava iznosi **111.000,00 KM**, bez uključenog iznosa pripadajućih indirektnih poreza, odnosno PDV-a, koji plaća Ugovorni organ.

Član 2.

Ovaj Ugovor se zaključuje na osnovu Zapisnika sa otvaranja ponuda za javnu nabavku roba, broj:0103-422/19 za Lot 3. Sadnice smrče (Picea abies), broj: 0103-422-17/19 od 15.04.2019. godine, Zapisnika o pregledu i ocjeni ponuda, broj: 0103-422-19/19 od 16.04.2019. godine, pravosnažne Odluke o izboru najpovoljnijeg ponuđača, broj:0103-422-20/19 od 16.04.2019. godine i Odluke Nadzornog odbora Preduzeća, broj:0102-422-4/19 od 20.02.2019. godine.

Član 3.

Ponuđač se obavezuje da će isporuku sadnog materijala iz člana 1. ovog Ugovora, vezanog ekološki prihvatljivim materijalom (biorazgradiv) vršiti u roku od 1 (jednog) dana od dana dostavljanja narudžbenice Ugovornog organa, fcco rasadnici "Sedrenik" i "Tarčin", a u svemu prema ponudi Ponuđača protokolisanoj kod Ugovornog organa pod brojem 0103-422-6/19 od 15.04.2019.godine.

U slučaju kašnjenja u isporuci roba, do kojeg je došlo krivicom Ponuđača, isti se obavezuje da će platiti ugovornu kaznu u skladu sa Zakonom o obligacionim odnosima u iznosu od 1 % naručiocu roba (vrijednosti ugovorenih roba) za svaki dan kašnjenja do uredne isporuke, s tim da ukupan iznos ugovorne kazne ne može prijeći 10% od ukupne ugovorene vrijednosti roba koje su predmet narudžbe. Ponuđač je dužan platiti ugovornu kaznu u roku od 7 dana od dana primanja zahtjeva za plaćanje od strane Ugovornog organa.

Ponuđač će u skladu sa Zakonom o sjemenu i sadnom materijalu šumskih i hortikulturnih vrsta drveća i grmlja ("Službene novine FBiH", broj: 71/05 i 8/10), prilikom isporuke sadnog materijala Ugovornom organu dostaviti Uvjerenje o porijeklu sadnog materijala, Uvjerenje o kvaliteti i zdravstvenom stanju sadnog materijala, kao i deklaraciju uz otpremnicu i deklaraciju na ambalaži, a u svemu prema Izjavi koju je Ponuđač dao u svojoj ponudi.

Član 4.

Ugovorne strane su saglasne da su jediničine cijene roba i ukupna vrijednost ponude utvrđene u članu 1. ovog Ugovora bez uračunatih indirektnih pripadajućih poreza odnosno PDV-a i da su iste nepromjenljive u skladu sa Izjavom koju je Ponuđač dao u svojoj ponudi.

Član 5.

Ponuđač garantuje Ugovornom organu da će robe koje su predmet ovog Ugovora transportovati u uslovima koji osiguravaju održavanje njegovog kvaliteta i vitalnosti i garantuje kvalitet isporučenih roba.

U slučaju reklamacije na kvalitet i kvantitet isporučenih roba navedenih u članu 1. ovog Ugovora, ugovorne strane su saglasne da zapisnički konstatuju eventualne nedostatke u prisustvu predstavnika ugovornih strana i iste otklone odmah zamjenom robe čiji je kvalitet zadovoljavajući.

Član 6.

Ugovorne strane konstatuju da će u roku od 15 (petnaest) dana od potpisivanja ovog Ugovora, Ponuđač dostaviti bezuslovnu bankarsku garanciju poslovne banke za dobro izvršenje posla od 10% vrijednosti Ugovora koja će poslužiti za pokrivanje svake štete i troškova koje Ugovorni organ može imati ukoliko Ponuđač prekrši Ugovor o nabavci od potpisivanja do njegovog ispunjenja u cjelosti, odnosno do krajnjeg roka njegovog važenja. Garancija treba da bude validna na period trajanja Ugovora.

Član 7.

Ugovorni organ se obavezuje da će Ponuđaču za isporučenu robu iz člana 1. ovog Ugovora, na osnovu ispostavljene fakture platiti naknadu u skladu sa jediničnim cijenama robe koje se dostavljene u ponudi Ponuđača i to u roku od 60 (šezdeset) dana od dana fakturisanja na transakcijski račun Ponuđača broj 1610550001530013 otvoren kod Raiffeisen banke.

Član 8.

Za realizaciju ovog Ugovora u ime Ugovornog organa zadužuje se Izvršni direktor Oblasti za šumarstvo.

Član 9.

Za praćenje realizacije ovog Ugovora u ime Ugovornog organa zadužuje se Služba za marketing i komercijalne poslove.

Član 10.

Ponuđač u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Ugovornog organa, najmanje 6 (šest) mjeseci po zaključenju Ugovora, odnosno od početka realizacije Ugovora.

Član 11.

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

Član 12.


Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

Član 13.

Ovaj Ugovor stupa na snagu danom potpisivanja od strane obje Ugovorne strane i traje do 31.12.2019. godine.

Član 14.

Ovaj Ugovor je sačinjen u 7 (sedam) istovjetnih primjeraka od kojih 5 (pet) zadržava Ugovorni organ, a 2 (dva) primjerka Ponuđač za svoje potrebe.



Broj: 120-05/19
Datum: 13.05.19. godine

Broj: 0103-422-30/19
Datum: 08.05.2019. godine